



Pranuar / Dorezuar Prinjefto/Prodato Received/Delivery		24 - 10 2022	2	viti god year
Organ / Mjesia Org/Unit	Nr Prot Br Prot Prot No	Shtojca Prilog Appendix	Sasia Kolicina Quantity	
SKMISHOK	6416/2022		114	



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.808/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Arben Mehmeti-kryetar, Malsore Gashi-Bajraktari dhe Ardita Haxhnikaj-Demi-anëtarë dhe Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.774/2022 të datës 07.09.2022 të parashtruar nga ankuesi dhe ankesën me numër A.nr.808/2022 të datës 21.09.2022 të parashtruar nga ankuesi të bashkuara sipas Vendimit VK.Nr.121/2022 të datës 13.10.2022 të Kryetarit të Këshillit të Pavarur Mbikëqyrës për Shërbimin Civil të Kosovës në ankesën me numër A.nr.808/2022, kundër Zyrës së Kryeministrit, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 24.10.2022, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur me ankesën me numër A.nr.808/2022 e datës 21.09.2022 e parashtruar nga ankuesi

A r s y e t i m

Zyra e Kryeministrit të Republikës së Kosovës, më datë 21.10.2021 ka shpallur konkursin për pozitën Zëvendës drejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës, ndërsa më datë 07.04.2022 ka shpallur konkursin për pozitën Drejtor Sekretarisë Ekzekutive të Agjencisë Kosovare për Krahasimin dhe Verifikim të Pronës. Në këtë konkurs kanë aplikuar edhe ankuesit të cilët në bazë të njoftimit të datës 30.08.2022 nuk janë përfshirë në listën e ngushtë.

Ankuesi më datë 07.09.2022 ka parashtruar ankesë me Nr.Prot: 5192/2022, ndërsa

ankuesi [redacted] më datë 21.09.2022 ka parashtruar ankesë me Nr. Prot: 5539/2022 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, konform dispozitave Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datën 14.09.2022 dhe 17.10.2022 ka kërkuar përgjigje në ankesë nga Zyra e Kryeministrit. Ndërsa më datë 19.09.2022 respektivisht 19.10.2022 kemi pranuar përgjigje në ankesë nga Zyra e Kryeministrit.

Kolegji për shqyrtimin dhe vendosjen e ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën me numër protokolli 5192/2022 e datës 07.09.2022 e parashtruar nga ankuesi [redacted] në Këshillin e Pavarur Mbikëqyrës për Shërbimin Civil të Kosovës; Njoftimin e datës 26.08.2022, 30.08.2022 nga [redacted] për ankuesin [redacted] Emailin e datës 30.08.2022 nga ankuesi për [redacted] Letërkonfirmim me numër Ref: 4071/2022 të datës 26.08.2022 lëshuar nga Ministria e Punëve të Brendshme; Kërkesën për përgjigje në ankesë e datës 14.09.2022; Përgjigje në ankesë e datës 19.09.2022; Konkursin e datës 21.10.2021 për pozitën Zëvendësdrejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës të shpallur nga Zyra e Kryeministrit; Listën e kandidatëve që kanë aplikuar për Zëvendësdrejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës; Listën rekomanduar për Zëvendësdrejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës e datës 01.09.2022; Vendimin me numër Ref: 216/2022 i datës 09.02.2022 i Kryeministrit të Republikës së Kosovës për emërimin e Komisionit Përzgjedhës për zgjedhjen e Zëvendësdrejtorit të Sekretarisë Ekzekutive të Agjencisë Kosovare për Krahasimin dhe Verifikim të Pronës; Formularin e listës së ngushtë i datës 25.08.2022; CV-në e ankuesit [redacted] Letër e datës 11.11.2021 nga ankuesi [redacted] Vërtetim Punësimi me Nr.42/19 i datës 08.05.2019; Letërnjoftimin e ankuesit [redacted] Certifikatën e Gjykatës Themelore në Prishtinë e datës 08.11.2021; Letër nga EULEX e datës 03.12.2018; Diplomën me Nr. 182 e datës 06.05.2019 për ankuesin [redacted] Letër Rekomandimin me numër Ref: 333/2005 e datës 18.12.2005; Certifikatë regjistrimi e datës 22.04.2003; Ankesën me numër protokolli 5539/2022 e datës 21.09.2022 e parashtruar nga ankuesi [redacted] në Këshillin e Pavarur Mbikëqyrës për Shërbimin Civil të Kosovës; Njoftimin e datës 30.08.2022 nga ankuesi për [redacted] mailin e datës 26.08.2022 nga [redacted] për ankuesin [redacted] Kërkesën për prova e datës 17.10.2022; Përgjigjen e datës 19.10.2022; Konkursin e datës 07.04.2022 për pozitën Drejtor Sekretarisë Ekzekutive t Agjencisë Kosovare për Krahasimin dhe Verifikim të Pronës; Listën e kandidatëve që kanë aplikuar për Drejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës; Listën e kandidatëve që janë përzgjedh për intervistë me gojë për Zëvendësdrejtor dhe Drejtor i Sekretarisë Ekzekutive të Agjencisë Kosovare për Krahasimin dhe Verifikim të Pronës; Vendimin VK.Nr.121/2022 i datës 13.10.2022 i Kryetarit të Këshillit të Pavarur Mbikëqyrës për Shërbimin Civil të Kosovës.

Kolegji për shqyrtimin dhe vendosjen e ankesave pas shqyrtimit të shkresave të lëndës, konstaton se Këshilli i Pavarur Mbikëqyrës për Shërbimin Civil i Kosovës nuk është kompetent për të vendosur për ankesat e parashtruara nga ankuesit [redacted] dhe [redacted] **SEPSE:**

Ligji Nr. 05/L-010 për Agjencinë Kosovare për Krahasim dhe Verifikim të Pronës gjegjësisht neni 4 paragrafi 1 ka përcaktuar se: "Agjencia është Agjenci e pavarur e themeluar sipas Nenit 142 të Kushtetutës së Republikës së Kosovës, me mandat të përkohshëm", ndërsa organizimi i kësaj agjencie është përcaktuar me nenin 5, ku përcaktohet se: "1. Agjencia përbëhet nga: 1.1. Bordi Mbikëqyrës i Agjencisë; 1.2. Sekretaria Ekzekutive; 1.3. Komisioni për Kërkesa Pronësore (KKP); 1.4. Komisioni për Verifikim dhe Vendosje për Prona (KVVP)", ndërlidhur me këtë neni 7 paragrafi 1 i Ligjit Nr. 05/L-010 për Agjencinë Kosovare për Krahasim dhe Verifikim të Pronës, përcakton se: "Sekretaria ka Drejtorin dhe Zëvendësdrejtorin. Drejtori dhe Zëvendësdrejtori emërohen nga Kuvendi pas propozimit nga Kryeministri me mandat pesë (5) vjeçar, pa të drejtë rizgjedhje".

Kolegji për shqyrtimin dhe vendosjen e ankesave, për vendosjen e kësaj çështje juridike-administrative, i'u është referuar nenit 38 paragrafi 1 të Ligjit Nr. 06/L-113 për Organizimin dhe Funksionimin e Administratës Shtetërore dhe të Agjencive të Pavarura, i cili përcakton themelimin e agjencive të pavarura: "1. Agjencitë e pavarura themelohen me ligj në bazë të nenit 142 të Kushtetutës", ndërsa udhëheqja dhe organizimi i agjencisë së pavarur, janë përcaktuar me nenin 41 paragrafi 1 dhe 2 të këtij ligji i cili ka përcaktuar se: "1. Agjencia e pavarur drejtohet nga titullari apo nga një organ drejtues kolegjial në pajtim me ligjin e themelimit. 2. Titullari apo organi drejtues kolegjial i agjencisë së pavarur mbështetet nga administrata e institucionit përkatës", ndërsa Agjencia Kosovare për Krahasim dhe Verifikimin të Pronës është paraparë më shtojcën 1: në numrin rendor 5 të Ligjit Nr. 06/L-113 për Organizimin dhe Funksionimin e Administratës Shtetërore dhe të Agjencive të Pavarura.

Referuar dispozitave të Ligjit Nr. 06/L-114 për Zyrtarët Publikë, gjegjësisht neni 3 lidhur me përjashtimet nga fusha e zbatimit të Ligjit, ku përcaktohet se: "1. Ky ligj nuk zbatohet për: 1.1. funksionarët publikë; 1.2. funksionarët publikë me status të veçantë. 2. Funksionarë publikë, në kuptimin e nënparagrafit 1.1 të këtij neni, janë: 2.1. të zgjedhurit; 2.2. anëtarët e Qeverisë dhe zëvendësit e tyre; 2.3. funksionarët e emëruar nga Kuvendi apo nga Presidenti i Republikës dhe titullarët apo anëtarët e organeve drejtuese kolegjiale të institucioneve të pavarura dhe të agjencive të pavarura. 3. Funksionarë publikë me status të veçantë, në kuptimin e nënparagrafit 1.2 të këtij neni janë: 3.1. gjyqtarët dhe prokurorët; 3.2. personeli komandues dhe ushtarak të Forcës së Sigurisë së Kosovës apo të organizatës tjetër pasardhëse; 3.3. zyrtarët policor të Kosovës dhe inspektorati policor i Kosovës; 3.4. zyrtarët doganor të Kosovës; 3.5. personeli drejtues dhe punonjësit e Agjencisë Kosovare të Inteligjencës. 3.6. drejtori apo anëtarët e organit drejtues kolegjial të agjencive rregullatorë", si rezultat i kësaj meqenëse me nenin 7 paragrafi 1 i Ligjit Nr. 05/L-010 për Agjencinë Kosovare për Krahasim dhe Verifikim të Pronës, "1. Drejtori dhe Zëvendësdrejtori emërohen nga Kuvendi pas propozimit nga Kryeministri me mandat pesë (5) vjeçar, pa të drejtë rizgjedhje", atëherë në kuptim të kësaj dispozite dhe neni 3 paragrafi 2 nën paragrafi 2.3 Ligjit Nr. 06/L-114 për Zyrtarët Publikë, këto pozita nuk hyjnë në kuadër të pozitave të zyrtarëve të shërbimit civil, ndërsa në kuptim të nenit 6 paragrafi 1 nën paragrafi 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civilë dhe kandidatëve për praninë në Shërbimin Civilë si dhe duke marrë parasysh faktin se pozitat ku kanë aplikuar ankuesit nuk janë pozita të nëpunësve civilë, Kolegji për Shqyrtimin dhe Vendosjen e Ankesave, konstaton se Këshilli

i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën A.nr.808/2022 e datës 21.09.2022 të parashtruar nga ankuesi.

Duke marr parasysh të gjitha shkresat e lëndës dhe provat e bashkëngjitura në lëndë, Kolegji për Shqyrtimin dhe Vendosjen e Ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.808/2022, datë 24/10/2022

Avdyll BEKTESHI

Zyrtar i Lartë për Bashkëpunim Profesional

Arben MEHMETI

Kryetar i Kolegjit

Vendimi i dërgohet:

- Ankuesit;
- Kryeministrit të Republikës së Kosovës;
- Udhëheqësit të Divizionit për Mbështetje të Trupave Qeveritare në ZKM;
- Udhëheqësit të Njesisë së Burimeve Njerëzore në Agjencinë Kosovare për Krahësim dhe Verifikim të Pronës; dhe
- Arkivit të KPMSHCK-së.